

ბ რ ძ ა ნ ე ბ ა №02/45

ქ. ბათუმი,

8 აგვისტო 2021 წელი

**2021-2022 სასწავლო წლის შემოდგომის სემესტრის მობილობის გამოცხადება,
ვაკანტური ადგილების, წარმოსადგენი დოკუმენტაციისა და ვადების განსაზღვრის
თაობაზე**

ვხელმძღვანელობ რა, საქართველოს განათლებისა და მეცნიერების მინისტრის 2010 წლის 04 თებერვლის №10/6 ბრძანებით „უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“, სსიპ განათლების ხარისხის განვითარების ეროვნული ცენტრის დირექტორის 2021 წლის 04 აგვისტოს №1.1/63 ბრძანების შესაბამისად,

ვ ბ რ ძ ა ნ ე ბ ა:

1. შპს „ბაუ ინტერნეიშენალ უნივერსიტი, ბათუმი“-ში გამოცხადდეს მობილობა 2021-2022 სასწავლო წლის შემოდგომის სემესტრისათვის მედიცინის ფაკულტეტზე.
2. 2021-2022 სასწავლო წლის შემოდგომის სემესტრისათვის მედიცინის ფაკულტეტზე განისაზღვროს 12 ვაკანტური ადგილი, მობილობის მსურველ პირთათვის.
3. მობილობის წესით 2021-2022 სასწავლო წლის შემოდგომა სემესტრიდან მობილობის მსურველმა კანდიდატებმა:
 - ა) უნდა გაიარონ ელექტრონული რეგისტრაცია განათლების ხარისხის განვითარების ეროვნული ცენტრის ელექტრონულ პორტალზე <https://students.emis.ge> ;
 - ბ) სტუდენტი, რომელიც მოიპოვებს მობილობის წესით შპს „ბაუ ინტერნეიშენალ უნივერსიტი, ბათუმი“ მედიცინის ფაკულტეტზე ჩარიცხვის უფლებას 2021-2022 სასწავლო წლის შემოდგომის სემესტრისათვის, შიდა საუნივერსიტეტო რეგისტრაცია უნდა გაიაროს 2021 წლის 16 აგვისტოდან 2021 წლის 30 აგვისტოს ჩათვლით 18:00 საათამდე;
 4. შიდა საუნივერსიტეტო რეგისტრაციისათვის მობილობის მსურველმა კანდიდატმა უნდა წარმოადგინოს შემდეგი დოკუმენტაცია:
 - ა) განცხადება რექტორის სახელზე (განცხადება ივსება ადგილზე);
 - ბ) ამონაწერი უმაღლესი საგანმანათლებლო დაწესებულებაში ჩარიცხვის ბრძანებიდან;
 - გ) სტუდენტის სასწავლო ბარათი (ნიშნების ფურცელი);
 - დ) გაცლილი საგნების სილაბუსები (უნივერსიტეტის მხრიდან მოთხოვნის შემთხვევაში);
 - ე) ცნობა გაცემული შესაბამისი უმაღლესი საგანმანათლებლო დაწესებულებიდან (სტუდენტის სტატუსის, სასწავლო პროგრამის დასახელების და მის მიმართ გამოცემული სამართლებრივი აქტების მითითებით);
 - ვ) პირადობის დამადასტურებელი დოკუმენტის ასლი; უცხო ქვეყნის მოქალაქის შემთხვევაში - პასპორტი, სანოტარო წესით დამოწმებული თარგმანი;
 - ზ) სრული ზოგადი განათლების დამადასტურებელი დოკუმენტი, ნოტარიულად დამოწმებული ასლი. უცხოეთში მიღებული სრული ზოგადი განათლების შემთხვევაში - განათლების ხარისხის განვითარების ეროვნული ცენტრის მიერ გაცემული აღიარების დოკუმენტის ასლი;
 - თ) 4(ოთხი) ცალი ფოტოსურათი 3X4 და ელექტრონული ვერსია, ელექტრონულ მატარებელზე (CD დისკი);

- ი) გრანტის არსებობის შემთხვევაში, სსიპ განათლების ხარისხის განვითარების ეროვნული ცენტრის წერილი, რომელშიც მითითებული იქნება გრანტისა და სწავლის საფასურის ოდენობის შესახებ ინფორმაცია;
- კ) ინგლისური ენის B2 დონის ცოდნის დამადასტურებელი საერთაშორისო სერთიფიკატი (ასეთის არსებობის შემთხვევაში);
- ლ) უმაღლესი საგანმანათლებლო დაწესებულების მიერ გაცემული დოკუმენტები დამოწმებული უნდა იყოს შესაბამისი ბეჭდით.
5. მობილობის მსურველ კანდიდატთა წერილობითი სახით პირადი საქმის ასლების წარმოდგენის ვადაა 2021 წლის 16 აგვისტოდან 30 აგვისტოს ჩათვლით 18:00 საათამდე;
6. მობილობის მსურველ კანდიდატთა კრედიტების აღიარების დასკვნების მომზადება დაევალოს მედიცინის ფაკულტეტს. მობილობის კანდიდატთათვის გაცნობა და თანხმობის შესახებ წერილობითი დასტურის მიღება განხორციელდეს არაუგვიანეს 2021 წლის 2-4 სექტემბრის ჩათვლით 12:00 საათიდან 18:00 საათამდე;
7. მობილობის წესით ჩასარიცხ პირთა შესახებ სამართლებრივი აქტების პროექტების მიწოდება განათლების ხარისხის განვითარების ეროვნული ცენტრისათვის უზრუნველყოს იურიდიულმა სამსახურმა არაუგვიანეს 2021 წლის 6 სექტემბრიდან 2021 წლის 17 სექტემბრის ჩათვლით.
8. მობილობის წესით ჩარიცხვის თაობაზე ბრძანების პროექტის მომზადება და რექტორისათვის წარდგენა დაევალოს იურიდიულ სამსახურს 2021 წლის 12 სექტემბრამდე.
9. სტუდენტთა მობილობის წესით ჩარიცხვის შესახებ გამოცემული ბრძანების ასახვა საგანმანათლებლო დაწესებულებათა რეესტრში დაევალოს სტუდენტთა მომსახურების სამსახურის უფროსს არაუგვიანეს 2021 წლის 17 სექტემბრის ჩათვლით.
10. სტუდენტთა მობილობის წესით ჩარიცხვის შესახებ გამოცემული ბრძანების განათლების ხარისხის განვითარების ეროვნულ ცენტრში წარდგენა დაევალოს სტუდენტთა მომსახურების სამსახურის უფროსს არაუგვიანეს - 2021 წლის 17 სექტემბრის ჩათვლით.
11. ამ ბრძანების შესრულებაზე პასუხისმგებელ პირად განისაზღვროს მედიცინის ფაკულტეტის დეკანი და ადმინისტრაციის უფროსი.
12. სასწავლო უნივერსიტეტის კანცელარიისა და არქივის სამსახურს დაევალოს წინამდებარე ბრძანების საჯაროდ გამოქვეყნება (ვებ-გვერდზე) და პასუხისმგებელ პირთათვის ასლის მიწოდება.
13. წინამდებარე ბრძანება ძალაშია ხელმოწერისთანავე.
14. ბრძანება დაინტერესებული პირის მიერ შეიძლება გასაჩივრდეს ბათუმის საქალაქო სასამართლოში მისი გაცნობიდან 30 (ოცდაათი) დღის ვადაში, მისამართზე - ქ. ბათუმი, ზუბალაშვილის ქ. N30.

რექტორი,
დემეტრე ჯინ

